

Թշնամիները դէմ, խորտակեց Լեւոնհայաստանում վխտացող թաթար թափառական ցեղերի իշխանութիւնը եւ իր բազիլի ու հայ ժողովրդի յամառ ջանքերի շնորհիւ՝ Միւնեաց երկրում անկախութիւն հաստատեց :

Նազիրի նախորդը՝ Շահ Թահմազը նրա ընդունակութիւններն ու քաջագործութիւնները տեսնելով, մանաւանդ ըմբռնելով, որ Հայաստանի այդ անկախ բեկորը մի ամուր պատուար կարող է լինել Պարսկաստանի համար ընդդէմ թշնամի Տաճկաստանի, ճանաչեց Գաւթի իշխանութիւնը պատմական Սիւնիքի, Արցախի եւ Փայտակարանի վրայ մինչեւ Կուր գետը, շնորհելով նրան մինչեւ իսկ դրամ կտրելու իրաւունքը) :

Բայց ինչպէս երեւում է, ճակատադիրը այլ կերպ էր տնօրինել : Ասացինք արդէն, որ Մինաս վարդապետը, Օրիի ու Պետրոս Մեծի մահից յետոյ, դեռ երկա՛ր մնաց Ռուսաստանում, երկա՛ր բախեց Պետրոս Մեծի յաջորդներին դռները, սակայն ապարդիւն : Հայաստանի եւ հայ ժողովրդի բախտով այլեւս հետաքրքրուող չկար :

Իր ջանքերի անյաջողութիւնը տեսնելով, խեղճ վարդապետը վերջապէս ինքն էլ յուսահատուեց, լքուած ամէնքից եւ ծայրայեղ թըշուառութեան մատնուած : Նրան շատ էր դառնացնում մասնաւորապէս այն հանգամանքը, որ ինքը վերջ ի վերջոյ խաբեբայ դուրս եկաւ մելիքների ու հայ ժողովրդի առջեւ : Հաւատարմութիւնը իրեն եղած խոստումներին, նա շարունակ յուսադրել էր նրանց, զեղեցիկ երազներով կերակրել : Իսկ այժմ բաց աչքերով տեսնում էր, որ իրեն խաբել են, որ այդ ամէնը միայն դատարկ հնչիւններ են եղել, սապոնի սնամէջ բըշտիկներ :

Այո՛, վարդապետի խիղճը տանջում էր իրան, որովհետեւ նա ո՛չ միայն որեւէ օգուտ չբերեց իր երկրին, այլ ընդհակառակը, իր գործունէութեամբ նորանոր աղէտների պատճառ հանդիսացաւ ե՛ւ իր ժողովրդի, ե՛ւ մի շարք ականաւոր անհատների համար :

Ամենից առաջ՝ հայութեան թշնամիները — տաճիկները, պարսիկները եւ Կովկասեան Լեո-

նականները — արիւնի ու մոխրի հովիտ դարձրին Հայաստանը, չարաչար կերպով ալքպիտով վրէժ լուծելով հայ ժողովրդից՝ նրա ուսասիրութեան համար :

Երկրորդ՝ իր պետը եւ շարժման ղեկավարը — Գանձասարի կաթողիկոսը — ծանր թըշնամանքի ենթարկուեց թէ՛ վերոյիշեալ մահմեդականների եւ թէ՛ հայ մելիքների կողմից ու իր կեանքը վերջացրեց վերաւորանքներից ու վշտից խորտակուած :

Երրորդ՝ պառակտում ընկաւ հայ մելիքների մէջ — անյաջողութիւնը պառակտման ու դժտութիւնների մայրն է — եւ այժմ նրանք ըսկրսեցին կա՛մ իրար դէմ կուռել եւ կամ ընդհանուրի գործը մոռացած, իւրաքանչիւրն իր գըլլուխն ազատելու մասին անհատաբար մտածել :

Եւ վերջապէս չորրորդ՝ ինքը մոռացուած ու արհամարհուած է այժմ իր բոլոր բարեկամների ու թշնամիների կողմից — անգամ ոուս կառավարութեան, որի սրինգն է փչել նա շարունակ — եւ նիւթական ու բարոյական ամենամանր վիճակի դատապարտուած :

Այդ ամէնը դժբախտ վարդապետը դառն շեշտով ներկայացնում է ոուս կառավարութեանը տուած իր վերջին զեկուցման մէջ — 1736 թ. Մարտ — ուղղուած Սիմէոն Անդրեւելի Մարտիկովին) . —

— 35 տարի անձուէր ծառայեցի ոուս պետութեան շահերին — գրում է նա : Յաճախ իմ ծախսով մարդիկ պահեցի եւ դէս ու դէն ուղարկեցի՝ նոյն գործի համար : Բազմաթիւ նամակներով ու թղթակցութիւններով, ինչպէս նաեւ բազմազան ջանքեր գործադրելով, հայ ժողովրդին եւ կապեցի Ռուսաստանի հետ : Իսկ այդ բոլորի փոխարէն այժմ յետին թշուառութեան մէջ եմ ու լքուած ամէնքից : Ես յանցաւոր եմ հայ ժողովրդի առջեւ, որովհետեւ իմ խոստումները ոուսական օգնութեան մասին մնացին «ձայն բարբառոյ յանապատի» եւ հայութեան կոտորածների պատճառ դարձան :

Այո՛, վարդապետը արդար էր եւ իրաւունք ունէր :

1) Չամչեան՝ «Հայ. Պոմ.» Գ., եր. 797 :

1) Եղեանց, «Յարարբույթիւններ», փաստաթուղթ թիւ 305 :